

# ҚҮЁШНИ – ИССИҚНИ СОГИНИШ ИЗТИРОБИ

(Самандар Воҳидов шеърлари асосида)

DOI: 10.53885/edinres.2021.49.53.051

Сафарова Ҳилола Охунжоновна,

БухДУ ўзбек тили ва

адабиёти кафедраси доценти

**Аннотация.** Шоир куз тасвиридан қиши манзаралари тасвирига ўтиб: "Киши тонгидаги туши" (1977), "Қишилоқда қор ёқсан кун" (1988), "Қорда қолган гул" (1991), "Янги йил келади оппоқ отида" (2001), "Қиши лавҳалари" (1986-87), "Февраль" (2001) каби қатор шеърларини ёзди.

**Калит сўзлар:** Самандар Воҳидов шеърияти, қуёш, ҳарорат, согинч

Айтайлик, "Қиши лавҳалари" тўрт бўлимдан иборат бўлиб, биринчи бўлимида қишининг бошланиши манзараси майсалардан яшилликнинг кетиши "кувончидан қора ранг соча" бошлаган қарғаларнинг "тераклару толларга қора кафан кийдириши" фонида тасвиранган. Қиши қора рангда намоён бўлса-да, ер ҳали ўз бағрида "яшил мулки бехатар" сақланаётганини, улар эрта-индин яна ям-яшил майса бўлиб ўсишини билса-да, лекин "дунёни қора рангда кўриб дилхун инграши" тасвиранади. Иккинчи бўлимда қишига арча ва қайин муносабатлари фонида ахлоқий баҳо бериш йўлидан борилади. Қаранг-а, "қиши қаҳридан яланғоч қайин" арчани қор ёқсан сайн яшнаб боришини кўриб, "баҳорни ҳам шу либосда кутиб олди, ёзни ҳам шу кийимда алдади, энди ишга ҳам шу кўйлақда ноз қиляпти" деб суюқоёқликка чиқариб таъна қилади. Ўз навбатида арча ҳам қайнинг баҳорга вафо илмади, баҳор ҳадя этган кўйлақни "изғиринга тарож қилдириб", оппоқ баданини кўз-кўз қилиб, "қиши қўйнига яланғоч кирган" беҳаёга менгзайди. Шу тариқа шоир арча тимсолида гўзаллигини пеш қилувчи танноз қизлар ва қайин тимсолида ярим яланғоч юришни одат қилган беҳаёлarga шаъма қилади.

Шеърнинг учинчи бўлимида оппоқ қор билан қопланган далалар ва уларга қўнган қора қарғалар – оппоқ қофоз ва унга сачраган сиёҳга менгзалса, булутлар сарбонидан ажralган карвондай талмовсираб йўргалиши манзараси чизилиб, қиши ҳакидаги тасаввур тўлдирилади, мукаммаллаштирилади. Қиши ҳатто балхий тутнинг панжаларини ҳам зирқиратган, шу боис у исиниб олиш мақсадида қуёшга ҳар қанча қўл чўзмасин, қуёш унга тунд қарайди, гўё ер билан иш риштаси узилгандай. Рассомона кўз билан сўзда чизилган бу манзарадан ҳайратланмасликнинг иложи йўқ. Шоир қўллаган бетакрор ўхшатишлар ва бошқа бадиий деталлар орасидаги мутаносибликлар ана шу ҳайратланиш заминига айланган.

Шеърнинг тўртинчи бўлимида қишининг инжиқ феъли ҳақида ўйлаган лирик қаҳрамон баҳор соғинчи билан яшайди. Қишида ёқсан ёмғир шу орзусига этишувига йўл очиб берувчи восита. Аммо шоир талқинидаги қиши анчайин шафқатсиз. Хусусан, изғирини ва қори гулларни хазон этишга уста. Шоир ана шундан алағда. "Қорда қолган гул" шеърида, шу ташвишини ифодаларкан, қор хазон этган гул – бемаврид сўндирилган севгига ачиниш мотивига айланган. Шоир қор сўлдирган гулга ачиниб мурожаат қилади:

Тўлсанг – нурга тўлгин, қорга тўлмагин,  
Кўлсанг – қониб қулгин, бўзлаб қулмагин,  
Сўлсанг – ёниб сўлгин, музлаб сўлмагин,  
Гулгинам, шу қисмат сенга равоми?.. [2; 104]

Шоир лирик қаҳрамони севгилисига ҳамдардлиги изхорининг бадиий жозибаси ва таъсирчанлигини кучайтиришда тарсөй санъатидан фойдаланган, унда дастлабки уч сатрдаги деярли барча сўзлар ўзаро қофияланиб, изхор қилинаётган тасалли ва ҳамдардлик рухининг теранлигини таъминлаган.

Албатта, қишининг етакчи атрибути – изғирин ва қаҳратон совуқлари ҳамда қор ва ёмғир, қор ва ёмғирнинг совуқдан музлаши туфайли оёқ остининг тойғончиққа айланиши, кўчаларнинг лойлиги, томлар боғотларини сумалаклар қоплаши. Қиши шу феълига амал қилиб, ўз муддатида қишлигини қилса – табиийки, аввало, ер парқу қор кўрпаси остида яйраб тин олади, келаси йил ҳосилига ҳомилаликка тайёрлана боради. Аммо таассуфлар

бўлсинки, гоҳо қиши номига лойиқ келмайди, ”заминни ўйга толган аёл каби қор”ни кутишга мажбур қиласди, иримига тўртта қорни унга раво кўрмай, ”минг алвонда товланади”, бироқ Баҳор бўла олмайди. ”Қиши дегани” шеърида тасвирланган бу манзара ”Қишининг сўнгги куни” шеърида давом эттирилиб, қишининг жонузар ҳолатда баҳорга ўрин бўшатиши хос лавҳаларга тўлдирилган. Мана ўша ҳаракатлар оғушидаги сулув манзара:

Жон узгиси келмайди қишининг,  
Юммас сўлғин қовоқларини.  
Суллайса ҳам абгор вужуди,  
Йифиширмас оёқларини.  
Кувғин рухи дўнар булатуга,  
Қарғаларга кўчади жони.  
Ва уларни ундейди кўкка,  
Юзин ёпмок бўлиб осмоннинг.  
Осмон эса сиғмас ўзига,  
Тўлғоқ тутган каби безовта.  
Туғилмоқда баҳор қуёши,  
Уни тўсмоқ энди бефойда. [1;78]

Интиқо олаётган қиши қиёфаси шу хилда кўримли қилиб гавдалантирилган. Бунда шоир жонлантириш, ўхшатиш ва сифатлаш каби тасвирий воситалардан фойдаланган эсада, нима учундир қофияларнинг тўқ ва жарангдор бўлишига етарли эътибор бермаган. Хуллас, қиши шундай бир фаслки, ҳамиша унда қуёшни – иссиқни соғиниш изтироби билан яшайсан, киши. Шу маънода қиши ва қуёш контрасти фасл моҳиятини белгилайди. ”Қиши тонгидаги туш” шеърида шу моҳият туш воситасида табиий таҳлил килинган. Лирик қаҳрамон ўзини булатлар этагида осилганча қуёшни қиши булатларидан қутқазиш илинжида ва сарсари кезаётганини туш кўради. Ниҳоят у осмонга чўзиқ қўли билан ”Қайлардасан, қуёшим?..” деб чўчиб кўзини очган ҳолда уйғониб кетади. Шоир туш воситасида ҳам қуёшли кунлар соғинчини ифодалаш орқали ҳаётсеварлик туйғусини тараннум этган.

**Адабиётлар:**

1. Хаёлинг мен билан (шеърлар, ғазаллар, мухаммаслар, достон) – ”Бухоро” нашриёти, 1997, 10,5 б.т.
2. Сунбула (Достон, шеърлар, ғазаллар). – ”Бухоро” нашриёти, 2002, 9,0 б.т.
3. Amonova Z. CONFLICT INTERPRETATION IN CLASSICAL LITERATURE // Конференции. – 2020.
4. Rajabova M. B., Akhrorova Z. R. UVAYS QARANIY IN THE INTERPRETATION OF FARIDUDDIN ATTAR AND ALISHER NAVOI // Scientific reports of Bukhara State University. – 2020. – Т. 4. – №. 2. – С. 219-223.
5. Baqoevna R. M., Oxunjonovna S. H., Qodirovna A. Z. ANALYTICAL AND SYNTHESIZED FOLKLORISM IN NAVOI'S WORK // Journal of Contemporary Issues in Business and Government. – 2021. – Т. 27. – №. 2. – С. 1626-1633.
6. Safarova H. “HAPPINESS IS THE FLAG LANGUAGE, FROM HAPPINESS I AM ALSO A TONGUE!”... ON THE EXAMPLE OF THE WORK OF THE POET SAMANDAR VOHODOV // Конференции. – 2020.
7. Сафарова Ҳилола. Гулларингни айлади чўп қарға, бойқуш, зоф тилим... Тил, адабиёт, таржима, адабий танқидчилик ҳалқаро илмий форуми: замонавий ёндашувлар ва истиқболлар. Ҳалқаро илмий-амалий анжуман материаллари тўплами. 2021 йил 26-27 марта. Бухоро
8. Qodirova N. S. SOME CHARACTERISTIC FEATURES, SKILLS AND STYLE OF THE LITERARY CRITIC // Web of Scholar. – 2018. – Т. 5. – №. 2. – С. 32-35.
9. Qodirova N. S. Problems Of Style And Creative Individuality In Literature // International Journal of Progressive Sciences and Technologies. – 2021. – Т. 25. – №. 2. – С. 254-260.